

御定全唐诗

全唐詩目 第五函

第一冊

韋元甫

王鉉

潘炎

張叔良

呂牧

韋夏卿

綦母誠

姚倫

于結

鄭孺華

張叔卿

房孺復

楊郇伯

陳潤

杜誦

鄭丹

鄭昉

朱長文

共一卷

戴叔倫

二卷

張建封

于良史

崔膺

馮宿

陸長源

張衆甫

王武

朱宿

共一卷

全唐詩

韋元甫

韋元甫初任白馬尉採訪使韋陟深器之奏充支使累
遷蘇州刺史浙江西道團練觀度等使大曆初徵拜尙
書右丞出爲淮南節度使詩一首

木蘭歌

木蘭抱杼嗟借問復爲誰欲聞所憾憾感激疆其顏老
父隸兵籍氣力日衰耗豈足萬里行有子復尙少胡沙
沒馬足朔風裂人膚老父舊羸病何以彊自扶木蘭代
父去秣馬備戎行易却紈綺裳洗却鉛粉妝馳馬赴軍
幙慷慨攜干將屯雪山下暮宿青海傍夜襲燕支虜

更攜于闐羌將軍得勝歸士卒還故鄉父母見木蘭喜
極成悲傷木蘭能承父母顏却卻巾韉理絲簧昔爲烈
士雄今爲一作復嬌子容親戚持酒賀父母始知生女與男
同門前舊軍都十年共崎嶇本結弟兄交死戰誓不渝
今者見木蘭言聲雖是顏貌殊驚愕不敢前歎息徒嘻
吁世有臣子心能如木蘭節忠孝兩不渝千古之名焉
可滅

王鈺

王鈺大曆中爲綿州刺史詩一首

登越王樓覓喬公詩偶題

雲架重樓出郡城虹梁雅韻仲宣情越王空置千年跡

丞相兼揚萬古名過鳥時時衝客會閑風往往弄江聲
謬將蹇步尋高躡魚目驪珠豈繼明

潘炎

潘炎禮部侍郎坐劉晏壻貶澧州司馬詩一首

清如玉壺冰

琰玉性惟堅成壺體更圓虛心含景象應物受寒泉溫
潤資天質清貞稟自然日融光乍散雪照色逾鮮至鑒
功寧宰無私照豈偏明將冰鏡對白與粉花連拂拭終
爲美提携佇見傳勿令毫髮累遺恨鮑公篇

張叔良

張叔良登廣德二年進士第詩一首

長至上公獻壽

鳳闕晴鐘動雞人曉漏長九重初啟鑰三事正稱觴日
至龍顏近天旋聖曆昌休光連雪淨瑞氣雜爐香化被
君臣洽恩霑士庶康不因稽舊典誰得紀朝章

呂牧

呂牧東平人永泰二年擢進士第自尚書郎爲澤州刺

史詩一首

涇渭揚清濁

涇渭橫秦野逶迤近帝城二渠通作潤萬戶映皆清明
晦看殊色潺湲聽一聲岸虛深草掩波動曉煙輕御獵
思投釣漁歌好濯纓合流知萬力同共到滄瀛

韋夏卿

韋夏卿字雲客京兆萬年人大曆中與弟正卿同舉賢良方正高等授高陵主簿累遷刑部員外郎擢給事中出爲常蘇二州刺史徐州節度使張建封辟爲徐泗行軍司馬俄召爲吏部侍郎進檢校工部尙書東都留守改太子少保詩三首

別張賈

束簡下高閣買符驅短轅故人惜分袂結念醉芳樽切切別思纏蕭蕭征騎頻臨歸無限意相視却忘言

送顧況歸茅山

聖代爲遷客虛皇作近臣法尊稱大洞著作已受上清畢法學淺忝

初真

夏卿初受正一

鸞鳳文章麗煙霞翰墨新羨君歸句曲白鶴

是三神

和丘員外題湛長史舊居

道勝物能齊累輕身易退苟安一丘上何必三山外雲霞長若綺松石常如黛徒有昔王過竟遺青史載詩因
堊寺詠酒向山椒酌異時逢爾知茲辰駐余旆

綦母誠

綦母誠官正字詩一首

同韋夏卿送顧況歸茅山

謫宦聞嘗賦遊仙便作詩白銀雙闕戀青竹一龍騎先
入茅君洞旋過葛稚陂無然列禦寇五日有還期

姚倫

姚倫揚州大都督府參軍詩二首

感秋

試向疎林望方知節侯殊亂聲千葉下寒影一巢孤不
蔽秋天雁驚飛夜月烏霜風與春日幾度遣榮枯

過章秀才洛陽客舍

達人心自適旅舍當閑居不出來時徑重

一作猶

看讀了書

晚山嵐色近斜日樹陰疎盡是忘言客聽君誦子虛

于結

于結大曆間人崔寧嘗欲薦爲御史爲楊炎所沮詩一

首

賦得生芻一束

比玉人應重爲芻物自輕向風傾弱葉裊露示纖莖
精練宜春景芊綿對雨情每慙蘋藻用多謝蒹蘭榮
孺子才一作遠公孫策未行諂詢一作如不棄終冀及微生

鄭孺華

鄭孺華大曆間人詩一首

賦得生芻一束

孫弘期射策長倩贈生芻至深心將比忘憂道不孤
芝蘭方入室蕭艾莫同途馥馥香猶在青青色更殊
芳寧九春歇薰豈十年無對菲如堪採山苗自可逾

張叔卿

張叔卿官御史詩二首

空靈岸

寒盡鴻先去江迴客未歸
早知名是幻不敢繡爲衣
霧積川原暗山多郡縣稀
今朝下湘岸更逐鷓鴣飛

流桂州

莫問蒼梧遠而今世路難
胡塵不到處卽是小長安

房孺復

房孺復琯之子七歲卽解綴文
歷官杭辰兩州刺史容州經畧使詩一首

酬竇大閑居見寄

來自三湘到五溪
青楓無樹不猿啼
名慙竹使宦情少

印定全唐詩

五

張叔卿房孺復楊柳伯陳潤

上

卷之五

路隔桃源歸思迷鵬鳥賦成知性命鯉魚書至恨睽攜
煩君強著潘年比騎省風流詎可齊

楊郇伯

楊郇伯與竇常同時詩一首

送妓人出家

盡出花鈿與四隣雲鬟剪落厭殘春暫驚風燭難留世
便是蓮花不染身貝葉欲翻迷錦字梵聲初學悞梁塵
從今艷色歸空後湘浦應無解珮人

陳潤

陳潤大曆間人終坊州郿城縣令詩八首

宿北樂館

欲眠不眠夜深淺越鳥一聲空山遠庭木蕭蕭落葉時
溪聲雨聲聽不辨溪流潺潺雨習習燈影山光滿窗入
棟裏不知渾是雲曉來但覺衣裳濕

東都所居寒食下作

江南寒食早二月杜鵑鳴日暖山初綠春寒雨欲晴浴
蠶當看社日改火待清明更喜瓜田好令人憶邵平

登西靈塔

塔廟出招提登臨碧海西不知人意遠漸覺鳥飛低稍
與雲霞近如將日月齊遷喬未得意徒欲躡雲梯

送駱徵君

野人膺辟命溪上掩柴扉黃卷猶將去青山豈更歸馬

留苔蘚迹人脫薜蘿衣他日相思處天邊望少微

賦得浦外虹送人

日影化爲虹彎彎出浦東一條微雨後五色片雲中輪
勢隨天度橋形跨海通還將飲水處持送使車雄

賦得秋河曙耿耿

晚望秋高

一作曉鏡高秋

夜微明欲曙河橋成鵲已去機罷女應

過月上殊開練雲行類動波尋源不可到耿耿復如何

賦得池塘生春草

一作陳陶詩

謝公遺詠處池水夾通津古往人何在年來草自春色
宜波際綠香愛雨中新今日青青意空悲行路人

闕題

丈夫不感恩感恩寧有淚心頭感恩血一滴染天地

杜誦

杜誦大曆間詩人詩一首

哭長孫侍郎

一作杜甫詩

道爲詩書

一作謀

重名因賦頌雄禮闈曾擢桂憲府既

一作近乘

驄流水生涯盡浮雲世事空唯餘舊臺

一作松

柏蕭瑟九原

中

鄭丹

鄭丹大曆間詩人蘄州錄事參軍詩二首

明皇帝挽歌

律曆千年會車書萬里同固期常載日

一作載

豈意厭觀風

御定全唐詩

五

杜誦鄭丹鄭昉朱長

七

雙峰書屋

地慘新疆理城摧舊戰功山河萬古壯

一作在

今夕盡歸空

肅宗挽歌

國以重明受天從諒闇移諸侯方北函白日忽西馳龍
影當泉落鴻名向廟垂永言青史上還見戴一作載無爲

鄭昀

鄭昀大曆詩人詩一首

落花

早春見花枝朝朝恨發遲直看花落盡却意未開時以
此方人世彌令感盛衰始知山簡遠頻向習家池

朱長文

朱長文大曆間江南詩人詩六首

宿新安江深渡館寄鄭州王使君

霜飛十月中搖落衆山空孤館閉寒木大江生夜風賦

詩忙一作情

有意一作憶

沈約在關東

春眺楊州西上

無幸

崗寄徐員外

蕪城西眺極蒼流漠漠春煙間曙樓瓜步早潮吞建業

赫山晴雪照揚州隋家故事不能問鶴在仙一作山池期我

遊

一本無此二句

送李司直歸浙東幕兼寄鮑將軍

一作朱灣詩

翩翩書記早曾聞二十年來願見君今日相逢悲

一作朝廷思

白髮同時幾許在青雲人從北固山邊去水到西陵渡

口分會作王門曳裾客爲余前謝鮑將軍

自注時節度大夫初封東平郡王